



## Publicaziuns officialas dils 06-01-2017

---

### Uffeci civil Cadi

#### Mortori

**Flury-Mathiuët Lisabeth**, naschida ils 29-11-1953, morta ils 17-12-2016, stada sesenta a Cumpadials.

Sumvitg, 06-01-2017

*Controlla da habitonts*

### Invitaziun agl apero per l'entschatta dalla nova pleiv Sumvitg

Cun igl 1. da schaner ein las treis pleivs da nossa vischnaunca unidas ella nova pleiv Sumvitg. **Dumengia, ils 15 da schaner** allas 10.00 festivein nus comunablamein il survetsch divin ella baselgia da sogn Placi a Surrein. Alla fin da quel prendein nus cumiau da nos dus calusters Simon e Palmiro che han surviu duront diesch onns sco calusters dall'antieriura pleiv da Surrein. Il medem mument fagein nus beinvegni al niev caluster Marcel. Suenter messa ein tuttas parochianas e tuts parochians dalla nova pleiv cordialmein envidai ad in apero en casa da scola. Nus selegrein da far in viva cun vus. Cordialmein envida *la suprastonza dalla pleiv Sumvitg*

### Niev! Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star il suentermiezdi da cumpignia e dar in scart troccas ni auters giugs.

Liug: «Ustria dalla Staziun», 7176 Cumpadials

Datum: **venderdis, ils 13 da schaner 2017** allas 12.00

Prezi: 18 francs per persuna cumpriu gentar cun dessert e caffè

Annunzias: Ein da far entochen gievgia sera tier «Ustria dalla Staziun», Cumpadials, tel. 081 943 19 22.